



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-43494-3/23
Sarajevo, 17.11.2023. godine

Na osnovu člana 19. stav (1) i člana 24. st. (1) i (2) Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije i upravljanje kvalitetom Kantona Sarajevo donosi:

ODLUKU

Nakon provedenog postupka za utvrđivanje postojanja sukoba interesa za Kulin Aldijanu, Ured za borbu protiv korupcije i upravljanje kvalitetom Kantona Sarajevo utvrdio je da imenovana koja obavlja javnu funkciju člana Komisije za spomenike Gradskog vijeća Grada Sarajeva, nije povrijedila odredbe čl. 5., 6., 7., 8., 9. i 10. Zakona o prevenciji i suzbijanju korupcije u Kantonu Sarajevo i da ista nije u sukobu interesa.

Образложење

Ured za borbu protiv korupcije i upravljanje kvalitetom Kantona Sarajevo je nakon izvršenog uvida u Internet stranicu Općine Stari Grad Sarajevo i Internet stranicu Gradskog vijeća, Grada Sarajeva konstatovao da Kulin Aldijana, istovremeno obavlja dvije javne funkcije i to javnu funkciju člana Komisije za spomenike Gradskog vijeća Grada Sarajeva i javnu funkciju člana Komisije za fizičku kulturu i sport u Općinskom vijeću Stari Grad Sarajevo, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno.

U cilju utvrđivanja postojanja sukoba interesa, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije i upravljanje kvalitetom Kantona Sarajevo je pokrenuo i proveo postupak za utvrđivanje postojanja sukoba interesa u predmetnom slučaju. Ured za borbu protiv korupcije i upravljanje kvalitetom Kantona Sarajevo je po službenoj dužnosti, Rješenjem broj: 20-04-43494/23 od 11.10.2023. godine pokrenuo postupak za utvrđivanje postojanja sukoba interesa za Kulin Aldijanu.

Ured za borbu protiv korupcije i upravljanje kvalitetom Kantona Sarajevo je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-04-43494-1/23 od 11.10.2023. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanu o pokrenutom postupku za utvrđivanje postojanja sukoba interesa, te je zatražio pismeno izjašnjenje na navode iz ove obavijesti. U prilogu akta od 11.10.2023. godine, imenovanoj je dostavljeno Rješenje broj: 20-04-43494/23 od 11.10.2023. godine.

Dana, 20.10.2023. godine, Ured za borbu protiv korupcije i upravljanje kvalitetom Kantona Sarajevo zaprimio je Izjašnjenje Kulin Aldijane u kojem navodi da je podnijela ostavku na dužnost zamjenice predsjednika Komisije za fizičku kulturu i sport u Općini Stari Grad Sarajevo. U prilogu akta dostavila je Izjavu ovjerenu u Općini Stari Grad Sarajevo od 19.10.2023. godine, Ostavku upućenu Općinskom vijeću Stari Grad Sarajevo, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje, broj 20-04-43494-1/23 od 11.10.2023. godine i Rješenje o pokretanju postupka utvrđivanja postojanja sukoba interesa, broj 20-04-43494/23 od 11.10.2023. godine.

U cilju pravilnog odlučivanja u predmetnom slučaju, Ured za borbu protiv korupcije i upravljanje kvalitetom Kantona Sarajevo obratio se Općinskom vijeću Stari Grad Sarajevo, Zahtjevom za dostavljanje informacije i dokaza, broj 20-04-43494-2/23 od 26.10.2023. godine, vezano za navedenu ostavku i postupanje po istoj, kao i eventualni akt o razrješenju Kulin Aldijane sa javne funkcije zamjenice predsjednika Komisije za fizičku kulturu i sport u Općini Stari Grad Sarajevo.

Dana 30.10.2023. godine, Ured za borbu protiv korupcije i upravljanje kvalitetom Kantona Sarajevo zaprimio je od Općinskog vijeća Stari Grad Sarajevo, Informaciju o promjenama u sastavu radnog tijela Općinskog vijeća Stari Grad kojim obavještavaju Ured za borbu protiv korupcije i upravljanje kvalitetom Kantona Sarajevo da je Kulin Aldijana razrješena dužnosti zamjenice predsjednika Komisije za fizičku kulturu i sport u Općini Stari Grad Sarajevo. U prilogu navedene Informacije dostavljeno je Rješenje o razrješenju i imenovanju zamjenika predsjednika Komisije za fizičku kulturu i sport Kulin Aldijane, broj 02-45-639/23 od oktobar 2023. godine.

Na osnovu dokumentacije kojom Ured za borbu protiv korupcije i upravljanje kvalitetom Kantona Sarajevo raspolaže u predmetnom slučaju utvrđeno je da Kulin Aldijana trenutno obavlja samo jednu javnu funkciju, i to javnu funkciju člana Komisije za spomenike Gradskog vijeća Grada Sarajeva i da ista nije povrijedila odredbe čl. 5., 6., 7., 8., 9. i 10. Zakona o prevenciji i suzbijanju korupcije u Kantonu Sarajevo, odnosno da ista nije u sukobu interesa.

Imajući u vidu navedeno, Ured za borbu protiv korupcije i upravljanje kvalitetom Kantona Sarajevo je u skladu sa članom 19. stav (1) i članom 24. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja.

Pouka o pravnom lijeku: Ova odluka je konačna i protiv iste se može pokrenuti upravni spor.



Dostaviti:

1. Grad Sarajevo, n/r **Aldijana Kulin** član Komisije za spomenike Gradskog vijeća Grada Sarajeva (Hamdije Kreševljakovića br.3, 71 000 Sarajevo),
2. a/a.